


南安府志



南安府志序



郡志經前署守遲荆山修後垂六十年其
序言有前明抄本六冊前守陳香泉嘗手
定三四帙夫香泉當志乘殘缺之會能蒐
羅遺逸以成一郡攷信之資又得荆山相
為續成斯可謂有心而知所務者矣顧南

安之為郡也雖僻在山谷而實輻綰吳楚
閩粵之口樓船下瀨所屯成濂溪大中所
卧護二程子所負牆壁呬元城坡公諸賢
所遊賞歎歌功德及民則張曲江蔡提刑
其人戡定萑苻而又被之以儒風則王文
成其人此邦英傑則見五代史者有譚全

播盧光稠見宋史者有陽玉巖見明史者
有蔡來儀之死難劉克修之循良譚比部
之諫諍其他名桑梓而馨志載者代亦有
人況乎幽巖窮壑石泐金銷者更不知凡
幾倘非網羅放失亦何以折不朽之衷壯
山川之色哉顧獨有慨焉者風俗之淳漓

運會之隆替物產之登耗雖長民者實司
之而勸導節宣培其本無傷其末則鄉士
大夫與有責焉韓宣子觀魯易象春秋歎
為周禮盡在今二書具存何嘗一及周禮
宣子云爾者意其紀述論說不以私意亂
不以偽說叅予奪是非不爽天秩天叙之

本然故一覽心折志在郡邑亦猶是也余
去冬承檄署郡事首得披閱郡志已歎其
蕪既而四邑各以新志至庚較可觀康猶
淆雜而崇尤甚大率愛今人輕改作所增
益多不當人意而郡志明代所抄香泉所
定皆無跡可尋欲考信而靡從獨幸明一

繞名勝二志尚存耳取以互較始知郡邑
志不獨諸傳刪改殆盡即山川名號亦有
更張而張子韶梅嶺王侍御綠陰亭女郎
種梅陳白沙玉枕山諸詩在當日不過采
郡邑志十之一二今尚無之則其他瓌行
雄篇埋沒固不可勝計矣而飾偽售欺者

觸目皆是譬若司會計者不能勾稽遺失反舉故牘毀棄之甚且張虛籍以自私利謂無關人心風俗不可也亟欲重輯郡志商諸庾康猶三令尹欣然襄事余與三尹各捐百金為資錙銖不以及民一切採訪分纂之事亦不以煩郡士以四月下泮啟

局於南康之旭升書院踰月稿本粗定又五旬剖工亦畢是役也義主乎整齊舊聞而新錄尤不敢忽年遠慮其湮也亟增之時近慮其淆也慎擇之即前志所載亦必細加考覈其詳具凡例及諸跋歐宋修唐書自云事增文省識者或不謂然蓋可增

斯增一於增則多闌入其失也誣可省斯
省一於省則有關略其失也隘茲於增省
之間雖未果及古人要亦不為虛美也義
例必裒名教予奪耻涉浮夸苦心具在志
中方將於梨面上作草稿請正於海內之
具三長者焉

皆

乾隆戊子歲孟秋月奉政大夫江西饒州
府同知署南安府知府事浦陽蔣有道
撰



重修南安府志姓氏

主修

饒州府同知署南安府知府事蔣有道訥鑲紅旗漢軍

南安府同知朱文佩振順天大興人

協修

大庾縣知縣衛謀松河南濟源人

署南康縣知縣蔣淑儀慎貴州貴筑人

南康縣知縣李千齡九四川宜賓人

上猶縣知縣楊若虔慎山東單縣人

崇義縣知縣林生枝福建漳浦人

南安府志

卷之一

纂修

原任翰林院庶吉士改補吏部文選司主事史珥涇饒州鄱陽人

攷輯

南康縣教諭蔡本敦南昌豐城人

拔貢李逢邵穎南康人

編次

生員史存闡饒州鄱陽人

王宇春

賴虞佐

賴沂

王宣祁

賴瑞麟

童賴廷佐 俱南康縣人

儒

南安府志

卷之一

南安府志目錄

舊序 五篇

凡例 十六則

卷一

圖

星野

沿革

疆域

形勝氣候鄉都關隘戶口土俗物產附

卷二

山川

附塚墓

卷三

城池

附街衢

公署

附郵舍

倉庾

附坊表

卷四

南安府志

卷之一

目錄

廟學

書院社學附

典禮

祭器樂章書籍附

卷五

典祀

水利

津梁

卷六

賦役

課額庸調驛站附

古蹟

勝景附

寺觀

養濟院漏澤園附

卷七

秩官

卷八

秩官

武秩

卷九

選舉 一 諸科武科應例附

卷十

選舉 二 贈蔭鄉賓祿史附

卷十一

名宦 寓賢

卷十二

宦蹟 儒林 死事 文苑 隱逸

卷十三

武畧 質行 列女

卷十四

南安府志

卷之一

目錄

二

藝文 一 記

卷十五

藝文 二 記

卷十六

藝文 三 記

卷十七

藝文 四 記

卷十八

藝文 五 疏

卷十九

藝文

六

銘
祭文

贊
公移

賦
規條

序
上梁文
書

卷二十

藝文

七

詩

卷二十一

藝文

八

詩

卷二十二

事考
祥異
別志

南安府志

卷之一

目錄

三

南安府志目錄終

南安府志舊序

一

明劉一節

南安郡志之作不可攷矣宋知軍事方崧卿氏軍學教授許開氏修之卷二十拾遺卷一今亦不可攷我文皇帝闡文興治大典肇修天下作志者收輯殘闕始有纂述睿皇帝右文稽古命儒臣作一統志布之天下天下郡邑纂言紀事文同制同是故斯志也景泰間郡人僉憲蔡公雲翰嘗修之猶夫志也正德間郡守季公敷重修之聘叅藩吉水曾公煥鄉進士泰和劉君潛總修學官弟子劉魁劉慎劉宰彭甫蔣曰旦蔡日齊隱士許金采錄猶夫志也嘉靖

南安府志

卷之一

舊序

改元郡守何公文邦取而筆削之於史固有取焉較正則屬之郡博士秦銳也是故若志也義史者公志也文弗史者固制也匪公志也而公之功則懋矣君子稱之

二節

國朝
郎廷極

康熙二十二年癸亥

詔纂一統志時江西有司既捃摭裒輯為一書剗剔進呈矣而南安郡志自丙辰兵燹蕩毀無遺三十年來抱殘守缺竟無過而問焉者余來豫章拳拳以為念去年春郡守陳君蒞任慨其書將隳引為已責亟謀修舉廼未幾而遽以病亡署篆者為郡佐遲君毅然繼陳之志訪求殘本采



輯舊聞諮之人而裁之已不數月告成請正於余且乞序
余嘉其意而披覽之見夫留連於古昔變遷之理時代損
益之宜探其源流而不使有附會詳其真贗而不使有雷
同與夫山川之形勢人物之污隆莫不條分縷晰瞭若指
掌嗚呼此書成庶幾不負此郡矣夫南安據西江上游與
贛郡相表裏挈閩廣而左右之實為江省之要區記余昔
年以公期赴粵道經其地眺梅關而俯章水扶輿清淑之
氣薈萃於此余因之低徊而不能去今覩此書猶恍然在
省睫間也余由是而益嘉陳遲二君之志焉

三節

董佩笈

南安府志

卷之一

舊序

二

南安吉名郡舊志稱三國吳嘉禾間始置為縣至明洪武
初由路改府隸江右郡志肇自前代中以兵燹蕩然無復
有存今署篆司馬遲君慨然續修而以序屬余余惟南安
屬在南荒地褊而瘠然綰吳楚閩嶠邊徼之衝凡檄使之
宣布貢篚之獻納莫不取道於此其俗雖無輕浮靡麗之
習而崇信巫鬼性好鬻爭前代張東海先生明導而潛禁
之其風稍息我

朝統一區宇禮教之興東漸西被官斯土者復能勤宣德
意倡率勿倦六十餘年以來宜其成樂土矣今覽郡志所
載見夫山之高水之秀城隍之峻深學校署舍之巨麗以

及廛市之鱗比道梵仙釋之宮之幽勝高節烈行騷人逸士之接踵不絕加之年穀屢登戶口繁殖其君子敦詩書重信義細民勤生力田以致蓋藏駸駸乎有古先王之遺風夫豐寧豫大之象非下能自致也

聖天子御極務與海內休養湛恩汪濊使皆得泳沫霑漑所以物靡不得其所今郡志之成適際其盛洵可垂永久而揚洪庥矣按周禮外史氏掌四方之志上之天子蓋欲周知列國都鄙州邑之盛衰官司政事之得失與夫人民所樂苦非徒以誇文詞備披覽已也已丑歲余奉

命衡文江右庚寅按虔州熟聞南安土風人物視昔加隆

南安府志

卷之一

舊序

三

將覘一郡而通省可知覘一省而天下可知然則郡邑雖小正於斯志有取云爾是為序

四節

董永艾

南安古揚州地居西江上游盡境與粵接壤庾嶺界分南北稱為交廣襟喉陵谷變遷不知凡幾是志不可缺而修之未可緩也余於康熙四十四年奉

命巡守嶺北欲知風土人情以為政教先後乃取兩郡志閱之則贛雖重刻皆天啟以前舊文而南安止於抄帙亦天啟以前本也且多殘缺余悵然久之深恠前纂修一統志時兩郡何以付史館

今上聖神文武車書遠屆禮樂政刑遠邇唐虞南安尚非遐陬竟使大典淪棄豈非有司之責歟然余悠忽數年未能修舉廢墜幸南安郡守陳奕禧毅然修之弗克竟以歿今郡司馬遲子續成其事請序於余嗟乎創與修果有數耶遲子壯年多才適攝郡篆遂得展其鴻猷府志以縣志為徵縣志無可參考則府志尤難美備今博核頗精闡幽釐正以百餘年缺典一旦煥然俾將來有所考證不可謂非不朽之業也予因樂得而為之序

五節

遲維璽

予以戊子歲佐治南安郡既至間進邦人士訪郡內百有

南安府志

卷之一

舊序

四

餘年之近率傳聞異辭罕有言之鑿鑿者然則郡故無志哉曰匪無志也兵火焉闕如矣無已則斷簡殘編猶有存者於是得抄本六余方珍之為吉光片羽迨披閱一過承譌釀舛遺漏滋多徵諸詩文記序至蕩然無隻字可攷以是云志猶弗志耳且南安非僻壤比也據西江上游扼百粵咽喉屹然為天南重地又其間如宋周元公司理程大中通守及往來僑寓之蘇文忠張無垢劉元城蒙川諸君子理學淵源文章氣節接踵漸濡風會遂於是乎日上至李義士之徒以匹夫起猶川羽翼信國卒能為莒即墨於宋亡數年之後此皆何如人也哉逮有明王文成之武功

文教張東海之易俗移風白沙甘泉輩類以當代大儒流
連吟咏於金蓮玉枕間何其盛也余幼喜涉獵事頗散見
於它書官斯土也而郡乘闕畧雖寤歎於迷離惆恍之中
而欲詢其耆舊則遺老無存焉無何海寧陳公香泉來守
是邦重慨志之久闕取抄本手自點攷並聚諸郡古志與
夫凡可取證郡事之書屬江左文學劉君冰涯考輯纂述
廼僅兩閱月而陳公即世余適奉檄兼綰郡篆亟索所纂
詳閱之條分縷析大綱井然矣雖所成止四三帙而事確
詞典忍令厥緒以半塗墮乎遂與劉君參互攷訂復屬郡
之紳士博采旁搜舉明萬歷以降之忠義節孝高人偉士

南安府志

卷之一

舊序

五

與夫文藝之有關郡事者靡不網羅為卷二十歷八月許
始竣事入刻又兩月刻始告成今而後郡乃有志矣余之
序之亦欲使後之君子知志成於百三十年廢闕之餘視
往昔為倍艱其一切偏徇之私游移之見師心之智皆務
絕去罔或苟且附會欺後人耳目則用心殆尤苦也抑余
聞之昌黎曰莫為之前雖美弗彰始基之弗立志之成庸
可必乎於戲陳太守之有功茲郡孰謂在東海諸公下哉

凡例 十六則

南安實周程學脈流衍之地明代從祀四先生過化此邦者二宜乎斯道之傳盛於他郡而傳人殊不多見前志并無儒林傳豈此邦人士既見弗由抑言與事湮沒不傳耶今剴淵源明確者數人列為儒林以見諸大儒辱臨茲土親炙有人後之覽者亦必有慨然引斯道為已任不獨見用於時宏教思於無窮即布衣如元之許文懿明之胡文敬亦奮儒宗於百世聞風興起是在人之自立云爾

臨文不諱禮也前志多有稱公及號者在當日為推崇究南安府志

卷之一

凡例

之志非私書將以備職方之采且人非名世雖稱名尚鮮知者况并隱其名乎故悉名之間有先賢及文勢不得不然者則仍舊

舊志分類十二類之中又細分殆近百矣然中有一二頁或不滿頁者卷帙不均繙尋費力又有位置未安如文廟羣祀列選舉後養濟院漏澤園附倉庾是也爰稍知移併而著其說於各篇之首

職官自統轄至尉監舊惟以時為序尊卑交錯非體也今與科目皆改用表體雖事涉更張要於繙閱為便

南郡得大儒過化以宦名者遂卓出列郡而明又有張東